

শানে রিসালত

মাওলানা মুহাম্মদ আবদুল মান্নান

কোন অর্থে নবী ও রসূল 'উম্মী'

আল্লাহ তা'আলা এরশাদ করেন-

الَّذِينَ يَتَّبِعُونَ الرَّسُولَ النَّبِيَّ الْأُمِّيَّ الَّذِينَ يَجِدُونَهُ مَكْتُوبًا عِنْدَهُمْ فِي التَّوْرَةِ وَالْإِنْجِيلِ يَأْمُرُهُمْ بِالْمَعْرُوفِ وَيَنْهَاهُمْ عَنِ الْمُنْكَرِ وَيُحِلُّ لَهُمُ الطَّيِّبَاتِ وَيُحَرِّمُ عَلَيْهِمُ الْخَبَائِثَ وَيَضَعُ عَنْهُمْ إِصْرَهُمْ وَالْأَغْلَالَ الَّتِي كَانَتْ عَلَيْهِمْ ۚ فَاَلَّذِينَ آمَنُوا بِهِ وَعَزَّرُوهُ وَنَصَرُوهُ وَاتَّبَعُوا النُّورَ الَّذِي أُنْزِلَ مَعَهُ ۙ أُولَٰئِكَ هُمُ الْمُفْلِحُونَ - (سورة الاعراف: آية ١٥٩)

তরজমা: ওই সব লোক, যারা দাসত্ব করবে এ রসূল, পড়া বিহীন অদৃশ্যের সংবাদ দাতার, যাকে লিপিবদ্ধ পাবে নিজেদের নিকট তাওরীত ও ইঞ্জিলের মধ্যে; আর পবিত্র বস্তু সমূহ তাদের জন্য হালাল করবেন এবং অপবিত্র বস্তুসমূহ তাদের উপর হারাম করবেন; আর তাদের উপর থেকে ওই কঠিন কষ্টের বোঝা ও গলার শৃঙ্খল, যা তাদের উপর ছিলো, নামিয়ে অপসারিত করবেন। সুতরাং ওইসব লোক, যারা তাঁর উপর ঈমান এনেছে, তাঁকে সম্মান করেছে, তাঁকে সাহায্য করেছে এবং ওই নূরের অনুসরণ করেছে, যা তাঁর সাথে অবতীর্ণ হয়েছে তারাই সফলকাম।

[সূরা আ'রাফ: আয়াত- ১৫৭, তরজমা কানযুল ঈমান] আল্লাহ তা'আলা খোদ এ আয়াত শরীফে হুযূর-ই আকরামের বহু গুণের উল্লেখ করেছেন- অতি উত্তম রূপে। সুতরাং এ আয়াত শরীফকে শুধু একটি গুণ (না'ত) নয়, বহু না'তের সমষ্টি বলা যাবে।

প্রথমত, এ'তে হুযূর আলায়হিস্ সালাতু ওয়াস্ সালামকে তিনটি উপাধিতে ভূষিত করা হয়েছে- ১. নবী, ২. রসূল এবং ৩. উম্মী। সুতরাং 'রসূল' হলেন ওই মহান সত্তা, যিনি স্রষ্টা ও সৃষ্টিকুলের মধ্যে এক মহান মাধ্যম। অর্থাৎ তিনি মহান রব থেকে ফয়য (কল্যাণধারা) নিয়ে সৃষ্টি পর্যন্ত পৌঁছিয়ে দেন, সৃষ্টির গুনাহ ও ভুল-ত্রুটি মহান স্রষ্টার নিকট থেকে ক্ষমা করিয়ে নেন। অথবা সৃষ্টিকে কুফর ও শিরক থেকে বাঁচিয়ে স্রষ্টা পর্যন্ত পৌঁছিয়ে দেন। বস্তুত হুযূর আলায়হিস্ সালাতু ওয়াস্ সালাম-এর মধ্যে এ গুণ পূর্ণাঙ্গ পর্যায়ে রয়েছে। কারণ আরবের মতো দেশে তিনি আবির্ভূত হয়েছেন, আরববাসীদের থেকে কাউকে সিদ্ধিক, কাউকে ফারুক ইত্যাদি বানিয়ে দিয়েছেন। আর 'নবী'র

দু'অর্থঃ ১. হয়তো বড় ও উচ্চ মর্যাদাসম্পন্ন, অথবা ২. অদৃশ্যের সংবাদ সংবাদদাতা। প্রথমোক্ত অর্থের ভিত্তিতে, বাস্তবিক পক্ষে হুযূর আলায়হিস্ সালাতু ওয়াস্ সালাম-এর ওই মর্যাদা রয়েছে, যাতে মানুষতো দূরের কথা, কোন ফেরেশতাও তাঁর ওই মর্যাদা সম্পর্কে যথাযথভাবে জানতে পারেন না। আল্লাহকে একমাত্র তিনি জানেন আর মাহবুবকে আল্লাহই জানেন। কবির ভাষায়-

معراج میں جبریل سے کہنے لگے شاہ ام
تم نے تو دیکھا ہے جہاں بتلاؤ تو کیسے ہں ہم
روح الامین کہنے لگے اے مہ جبین تیری قسم
افاقہا گر دیدہ ام مہر بتاں ورزیدہ ام
بسیار خوباں دیدہ ام لیکن تو چیز سے دیگری

অর্থ: মি'রাজে উম্মতকুলের বাদশাহ হুযূর-ই আকরাম হযরত জিব্রীলকে বলতে লাগলেন, "তুমি তো গোটা বিশ্বকে অবলোকন করেছো, বলতো আমি কেমন? রহুল আমীন (হযরত জিব্রীল আলায়হিস্ সালাম) বলতে লাগলেন, ওহে চন্দ্ররূপী ললাটবিশিষ্ট, হাবীবে খোদা, আপনারই শপথ, পৃথিবীর সব প্রান্তে ও দিগন্তে আমি ঘুরে এসেছি, উজ্জ্বল সূর্যকেও আমি গভীরভাবে পর্যবেক্ষণ করেছি। সৃষ্টি জগতে অনেক সুন্দর সুন্দর মাখলুক দেখেছি। কিন্তু সেগুলোর তুলনায় আপনি এক অনন্য সত্তা। আপনি সবার চেয়ে সুন্দর, সবার চেয়ে পূর্ণাঙ্গ। সুবহা-নাল্লাহ!!

ওই সব শব্দমালায়, যেগুলো মানুষের মুখ থেকে বের হয়, হুযূর সাল্লাল্লাহু তা'আলা আলায়হি ওয়াসাল্লাম-এর প্রশংসা করা সম্ভবপর নয়। তাঁর ফযীলত বা গুণাবলীর বাস্তবাবস্থায় মানুষের ধারণা-কল্পনা পৌঁছতে পারে না। হযরত হাস্‌সান রাযিয়াল্লাহু তা'আলা আনহু বলেছেন-

مَا إِنْ مَدَحْتُ مُحَمَّدًا مَّقَالَتِي - لَكِنْ مَدَحْتُ مَقَالَتِي بِمُحَمَّدٍ

অর্থাৎ আমি আমার বচনগুলো দ্বারা হুযূর মুহাম্মদ মোস্তফা সাল্লাল্লাহু তা'আলা আলায়হি ওয়াসাল্লাম-এর প্রশংসা করিনি, বরং নিজের বচনগুলোকে তাঁর পবিত্র নাম দ্বারা প্রশংসাযোগ্য করেছি।

অথবা 'নবী' মানে (নবী'র শেষোক্ত অর্থের ভিত্তিতে) অদৃশ্যের সংবাদ দাতা। বাস্তবেও হুযূর-ই আকরাম জান্নাত

প্রবন্ধ

ও দোযখের, কিয়ামতের, কিয়ামত পর্যন্তের প্রতিটি ঘটনার খবর দিয়েছেন। এ হচ্ছে অদৃশ্যের সংবাদ। তারপর এরশাদ হয়েছে- ‘উম্মী’। উম্মী শব্দের একাধিক অর্থ হতে পারে- এটা ‘أُمّ’ দ্বারা ‘أُمّ’ শব্দের সাথে সম্পৃক্ত শব্দ। আরবীতে (উম্মুন) বলে মাকে, আসল বা মূলকে। অর্থাৎ এর অর্থ হচ্ছে ‘মা’ বিশিষ্ট নবী। দুনিয়ায় সব মানুষ মা বিশিষ্টই হয়; কিন্তু যেমন ‘মা’ আল্লাহ তা‘আলা হযূর-ই আকরামকে দান করেছেন, তেমন মা গোটা দুনিয়ায় কেউ পায়নি। হযরত মরিয়মও ‘মা’-ই ছিলেন। কিন্তু ‘নবীকুল সরদার’ যেমন বে-মেসাল বা উপমাহীন, তাঁর আন্মাজানও তুলানাহীন (বে-মেসাল)। কবির ভাষায়-

وہ کنواری پاک مریم وہ نَفِثَتْ فِيهِ دَامِ
ہے عجب نشانِ اعظم مگر امنہ کا جابِیا
وہ ہی سب سے افضل ایا

অর্থ: তিনি ওই পবিত্র কুমারী মরিয়ম, তিনি আল্লাহ তা‘আলার বাণী- ‘আমি তার মধ্যে রূহ ফুৎকার করেছি’- এর প্রাণবায়ু বা সারতত্ত্ব। তিনি এক বৃহত্তর নিদর্শনের আশ্চর্যজনক প্রকাশস্থল। (এতে কোন সন্দেহ নেই।) কিন্তু হযরত আমেনার মহান সন্তান (হযরত মুহাম্মদ মোস্তফা সাল্লাল্লাহু তা‘আলা আলায়হি ওয়াসাল্লাম) হলেন সবার সেরা, সবার চেয়ে শ্রেষ্ঠ হিসেবে এ ধরা বুকে তিনি তাশরীফ এনেছেন।

যে বিনুক নিজের পেটে মূল্যবান মুক্তা ধারণ করে, ওই বিনুকও মূল্যবান হয়ে যায়। যেই বরকতময়ী মা আপন পাক গর্ভাশয়ে ওই অদ্বিতীয় মুক্তাকে ধারণ করেন, তিনি কতই বরকত মণ্ডিত (তা আর বলার অপেক্ষা রাখেনা।) আরেক বৈশিষ্ট্য ‘পড়াবিহীন’। এর অর্থ হচ্ছে তিনি আপন মায়ের গর্ভাশয় থেকে সর্ববিষয়ে জ্ঞানবান হয়েই ভূমিষ্ঠ হয়েছেন, দুনিয়ায় কারো নিকট পড়ালেখা করেন নি, করতে হয়নি। কবি বলেন-

حاک و راجع عرش منزل - امی و کتاب خاند و ردل
ای و وقیتہ دان عالم - بے سایہ و سائبان عالم

অর্থ: তিনি মাটির পৃথিবীতে সদয় অবস্থান করছেন, অথচ আরশের সর্বোচ্চ আসনে আসীন হয়েছেন। তিনি ‘উম্মী’ (দুনিয়ার কোন ওস্তাদের নিকট পড়ালেখা করেননি), কিন্তু তাঁর পবিত্র নূরানী হৃদয়ে রয়েছে বিশালতম কিতাবখানা- (গ্রন্থালয়)।

তিনি ‘উম্মী’ উপাধিধারী, অথচ বিশ্বের সূক্ষ্মাতিসূক্ষ্ম বিষয়াদি সম্পর্কে অবগত। তাঁর ছায়া ছিলো না, অথচ গোটা বিশ্বের জন্য বিশাল সামিয়ানা।

হযূর আকরামের ছায়া ছিলো না, কিন্তু সমগ্র দুনিয়ার উপর তাঁর ছায়া রয়েছে। ‘উম্মী’ শব্দের তৃতীয় অর্থ- ‘উম্মুল কোর’ (মক্কা মুকাররামাহ)‘য় সদয় অবস্থানকারী। এর চতুর্থ অর্থ- তিনি সমগ্র বিশ্বের মূল।

এ তিনটিতে হযূর আলায়হিস্ সালাতু ওয়াস্ সালাম-এর উপাধি ছিলো। এখন তাঁর আরো ছয়টি গুণ বা বৈশিষ্ট্যের উল্লেখ করা হচ্ছে- ১. তিনি তাওরীত ও ইঞ্জীলের মধ্যে লিপিবদ্ধ। ইহুদী সম্প্রদায়ের যেসব আলিম ইসলাম গ্রহণ করেছেন এবং ‘সাহাবী’ হবার মর্যাদা লাভ করেছেন, যেমন হযরত আবদুল্লাহ ইবনে সালাম, হযরত কা‘ব-ই আহবার প্রমুখ। তাঁরা হযূর আলায়হিস্ সালাতু ওয়াস্ সালাম-এর ওইসব গুণের কথাও শুনিয়েছেন, যেগুলো তাওরীত শরীফে এসেছে।

সুতরাং হযরত আবদুল্লাহ ইবনে সালাম রাডিয়াল্লাহু তা‘আলা আনহু তাওরীত থেকে এসব গুণ শুনিয়েছেন- (আল্লাহ তা‘আলা এরশাদ করেছেন,) “হে নবী, আমি আপনাকে ‘শাহিদ’ (সাক্ষী, হাযির-নাযির), ‘বশীর’ (সুসংবাদদাতা), ‘নাযীর’ (ভীতি প্রদর্শনকারী) করে প্রেরণ করেছি। আপনি ‘পড়াবিহীনদের’ তত্ত্বাবধায়ক, আপনি আমার প্রিয় বান্দা ও রসূল। আমি আপনার নাম ‘মুতাওয়াফিল’ (ভরসাকারী) রেখেছি। আপনি মন্দ চরিত্রের অধিকারীও নন, কঠোর স্বভাবেরও নন, বাজারগুলোতে শোরগোলকারীও নন। আপনি অপকারের বদলা অপকার দ্বারা নেন না, বরং দোষীদেরকে ক্ষমা করে দেন। আল্লাহ ওই সময় পর্যন্ত আপনাকে দুনিয়া থেকে নিয়ে যাবেন না, যতক্ষণ না আপনার বরকতে দ্বীন পূর্ণতা লাভ করবে; লোকেরা যতক্ষণ না কলেমা পড়তে থাকবে। আপনার বরকতে অন্ধ চোখগুলো জ্যোতির্ময়, বধির কানগুলো শ্রুতিশক্তি বিশিষ্ট এবং পর্দাবৃত হৃদয়গুলো খুলে যাবে।”

এ ধরনের উক্তি হযরত কা‘ব-ই আহবার থেকেও বর্ণিত হয়েছে- খ্রিস্টানগণ অনেক চেষ্টা করেছে- হযূর আলায়হিস্ সালাতু ওয়াস্ সালাম-এর সমস্ত গুণ, পরিচয় ও বৈশিষ্ট্য ইঞ্জীল থেকে বের করে (মুছে) দিতে। কিন্তু এখনকার ইঞ্জীলে, যাতে অনেক রদ-বদল হয়ে গেছে, হযূর আলায়হিস্ সালাতু ওয়াস্ সালাম-এর গুণাবলী এভাবে উল্লিখিত রয়েছে।

প্রবন্ধ

‘ইউহান্নার ইঞ্জিল, ব্রিটিশ এণ্ড ফরেন বাইবেল সোসাইটী কর্তৃক লাহোর থেকে ১৯৩১ ইংরেজীতে মুদ্রিত কপির “১৪শ অধ্যায়ঃ ১৬শ আয়াতে আছে- ‘আমি পিতার নিকট দরখাস্ত করবো। সুতরাং তিনি তোমাদের অন্য এক সাহায্যকারী দান করবেন, যিনি অনন্তকাল যাবৎ তোমাদের সাথে থাকবেন, এটা হুযূর আলায়হিস্ সালাতু ওয়াস্ সালামের না’ত (প্রশংসা) এবং তিনি শেষ নবী হবার পক্ষে বর্ণনা।

এ কিতাবের এ অধ্যায়েই ২৯, ৩০তম আয়াতে আছে, “আমি তোমাদেরকে সাথে আর বেশী কথা বলবো না। কারণ, দুনিয়ার সরদার আসছেন এবং আমার মধ্যে তাঁর কিছুই নেই।”

এ কিতাবের ১৬শ অধ্যায়, আয়াত নম্বর ৭-এ আছে, “কিন্তু আমি তোমাদেরকে সত্য কথাটা বলছি। তা হচ্ছে আমার চলে যাওয়া তোমাদের জন্য উপকারী। কেননা, আমি না গেলে ওই সাহায্যকারী তোমাদের নিকট আসবেন না। যদি আমি চলে যাই, তবে (আমি গিয়ে) তাঁকে তোমাদের নিকট পাঠিয়ে দেবো।

এ কিতাবের এ অধ্যায়ের ১৩ নম্বর আয়াতে আছে- “কিন্তু যখন তিনি, অর্থাৎ সত্যতার রূহ আসবেন, তখন তিনি তোমাদেরকে সকল সত্য পথ দেখিয়ে দেবেন। তাও এজন্য যে, তিনি নিজ থেকে কিছুই বলবেন না, কিন্তু তিনি যা কিছু শুনবেন, তা-ই বলবেন, আর তোমাদেরকে ভবিষ্যতের সব সংবাদ দেবেন।”

চিন্তা করুন, হযরত ঈসা আলায়হিস্ সালাম-এর পর ওইসব গুণে গুণান্বিত হুযূর আলায়হিস্ সালাতু ওয়াস্ সালাম ব্যতীত আর কে এসেছেন? দ্বিতীয় গুণ বর্ণিত হয়েছে- ‘তিনি নির্দেশ দেন ভাল কাজগুলোর।’ তৃতীয় গুণ বলেছেন, ‘নিষেধ করেন মন্দ কাজগুলো করতে।’ এ থেকে বুঝা গেলো যে, ভালো কাজ হচ্ছে সেটাই, যাকে ভাল লোকদের সরদার বৈধ করেছেন, আর মন্দ কাজ হচ্ছে সেটাই, যা করতে হুযূর আলায়হিস্ সালাতু ওয়াস্

সালাম নিষেধ করেছেন। চতুর্থ গুণ বর্ণিত হয়েছে- ‘পবিত্র বস্তুসমূহকে তিনি তাদের জন্য হালাল করেন, পঞ্চম গুণ বলেছেন, ‘মন্দ ও অপবিত্র বস্তুসমূহ তাদের জন্য হারাম করেন।’ এ থেকে বুঝা গেলো যে, হালাল ও হারাম করার ইখতিয়ার হুযূর আলায়হিস্ সালাতু ওয়াস্ সালামকে মহামহিম রব দিয়েছেন। তিনি শরীয়তের মালিক। এ সম্পর্কে বহু হাদীস শরীফ বর্ণিত হয়েছে।

দ্বিতীয়ত, বনী ইস্রাঈলের উপর তাদের গুনাহর কারণে কিছু ভাল জিনিসও হারাম করে দেওয়া হয়েছিলো; যেমন হালাল পশুগুলোর চর্বি ইত্যাদি। হুযূর আলায়হিস্ সালাম-এর বরকতে সেটা হালাল হয়ে গেছে। অনুরূপ মদ ইত্যাদি অপবিত্র বস্তু তাদের জন্য হালাল ছিলো। সেটাকে হুযূর আলায়হিস্ সালাতু ওয়াস্ সালাম ক্বিয়ামত পর্যন্তের জন্য হারাম করে দিয়েছেন। ষষ্ঠ গুণ এটা বর্ণিত হয়েছে যে, ‘তাদের উপর থেকে বোঝা অপসারণ করেন’, অর্থাৎ পূর্বের বিধানাবলী কঠিন ছিলো, যেগুলো পালন করা মানুষের জন্য কষ্টসাধ্য ছিলো। যেমন সম্পদের এক চতুর্থাংশ যাকাত হিসেবে প্রদান করা, ওযূর স্থলে তায়াম্মুম করতে না পারা, নামায শুধু ইবাদতখানা গুলোতে সম্পন্ন করা, অন্য কোন জায়গায় করতে না পারা, গনীমতের মাল হালাল না হাওয়া, শরীর অথবা কাপড়ে নাপাক লাগলে, সেটাকে জ্বালিয়ে ফেলা কিংবা কেটে ফেলা ইত্যাদি। এ সব বিধানই বনী ইস্রাঈলের উপর প্রযোজ্য ছিলো। কিন্তু হুযূর আলায়হিস্ সালাতু ওয়াস্ সালাম-এর বরকতে এসব মুসীবত দূরীভূত হয়েছে। এখন যাকাত দিতে হয় চল্লিশভাগের একভাগ। এর মধ্যে আরো বহু সহজ পন্থা রয়েছে। যেমন, যদি ওযূ করা সম্ভব পর না হয়, তবে তায়াম্মুম করার বিধান দেওয়া হয়েছে। পৃথিবীর যেখানে ইচ্ছা নামায সম্পন্ন করা যায়। গনীমতের মাল হালাল করে দেওয়া হয়েছে। এসব সহজ বিধান ও বরকত হুযূর-ই আকরাম সাল্লাল্লাহু তা‘আলা ওয়াসাল্লাম-এর মাধ্যমেই অর্জিত হয়েছে।

সুসংবাদ প্রকাশিত হচ্ছে সুসংবাদ
নযরে শরীয়ত (দ্বিতীয় সংস্করণ)
প্রকাশনায়: প্রচার-প্রকাশনা বিভাগ
আনজুমান-এ রহমানিয়া আহমদিয়া সুন্নিয়া ট্রাস্ট
বাংলাদেশ